

說  
文  
釋  
例

說文釋例卷四

安邱王筠母山學

形聲之失

許君曰俗儒曷夫未嘗觀字例之條鼎臣曰爾雅所載艸木魚鳥之名肆意增益不可觀矣筠案菜名東風鳥名巧婦今作蕞風鷲歸豈復可解乃玉篇卽已有之說文先有之矣苟取分別曾無深意若不覺其重複拉雜也然易童牛之牯說文引作告而牯下引費誓牯牛馬則史籀以前早已如此

言三集卷一  
吾終不能無繫於心爰輯之以備覽焉。

告從牛而犝又加一牛。

嚴從𡩂𡩂二口也而𡩂又加一口乃嚴之古文嚴已從三口矣竊謂嚴是本字加品作嚴省一口作嚴借爲威嚴之義追爲借義所專再加山作嚴又作𡩂𡩂仍與嚴同義也何則厂部嚴𡩂也从部曰欽𡩂山部𡩂下曰岑𡩂卽公羊傳三十三年傳之欽嚴穀梁傳之嚴𡩂其體屢變者疊韻形容之詞也嚴從厂敢聲業已足矣而嚴加品者與自之古文𡩂同𡩂蓋厂之古文也詩曰維石巖巖泰山巖巖故

得威嚴之義。小篆省一口。以爲威嚴之專義。因加山以爲山巖之專義矣。

言從口。而唁訖各加一口。且唁從口言聲。訖又從言口聲。亦大任意矣。

益從水。而溢又加水。然水祇可在皿中。而益之水在皿上。則增益之意。卽兼有汜溢之意。滿招損也。溢似後來分別文。

沓從水。而潛又加一水。

𥇑𥇑皆在目部。焦𥇑𥇑𥇑皆在火部。垂𥇑皆在土部。

皆瞢皆會意其訓又同惟唐韻音切不同耳皆在目部瞢  
下云讀若勿卹之卹唐韻於說切廣韻六術十七薛皆不  
收而收於十六屑於決切與穴同部則何以瞢從窞而由  
窞之穴得聲窞從穴而反鳥皎切邪集韻亦收瞢於屑部  
而又有重文眈則尤可疑也卹從血聲血亦在屑部易曰  
需於血出自穴是血穴自古同部也特窞下無讀若不知  
許君讀窞爲某也

取瞢皆在目部一會意一形聲

皿部盧飯器也從庸聲案飯器者卽凵部說解之凵盧飯

器也。留部膚番也。讀若盧同。是知膚盧一字也。篆文作𩇛。籀文作𩇛。案皿留皆器而義尙微別。留缶則異名同實矣。膚既從留。盧又加皿。𩇛又加缶。𩇛直從兩留矣。豈有古人制作而蕪雜如是。大抵膚爲古文。盧爲重文。餘皆任意分別文也。臚之籀文作膚卽可。徵膚盧制作之先後。

梅之或體作棓。某之古文作𣎵。案梅相也是所謂梅梁者。固大木也。某酸果也。則詩之標有梅也。棓乃從某。混兩木而一之。宜今人祇用梅字。而某別作誰某用也。況棓從兩木邪。

咎從人倍又加一八

與字聲義全矣。爍又加火且皆訓火飛恐爍乃變隸之後。不知票本從火因加火耳。雖唐韻反切小異不足據也。或從口國又加口。

是從止徙又加止。或體作𠂔。韻會引𠂔以爲古文是也。冒從目睟又加目。

### 會意

許君敘曰。四曰會意。會意者。比類合誼以見指撝。武信是也。案會者合也。合誼卽會意之正解說文。

用諠。今人用義會意者，合二字三字之義以成一  
字之義，不作會悟解也。左氏曰：止戈爲武。自鄭漁  
仲倡爲異說，後人多信之。不知來來者，棗也。叱叱  
者，四十九枚也。東方滑稽乃有是語。豈春秋而有  
之乎？六書例解曰：或謂𠄠字从亡聲，非从止。此執  
隸形之變。案漢碑武字有數體，𠄠爲正體。𠄠𠄠  
爲變體。武武武爲譌體。惟嚴訢碑、劉讓題名作  
武武，有似亡字，亦譌體也。筠姑依樣畫之，俟求

漢碑質實

金刻皆如小篆，惟龔  
彝作𠄠，上體小異。



天字說曰從一大凡言從者從其義也一大連文不可言  
從一從大不可言從大一此與人言爲信止戈爲武同爲  
正例信字在言部信以言爲主也而其說曰從人言其詞  
順也大徐不知而改爲從人從言謬也果如所改卽當入  
人部矣天字不入大部者重一也

禾從爪禾所爪者穗也而禾字根莖葉穗皆全此不能省  
禾以會意者也故全從之

𦐇從甘𦐇

依小徐

𦐇犬肉也何以專飽義古所貴也鄉飲酒

禮祇言一狗

崇從示出

依小徐

此亦順遞爲義者大徐不知漫爲增益蓋

人神道殊豈可出而與人接示而出也是爲崇矣說文校

議曰據小徐通釋當言出亦聲

示部不收宗字而入宀部者分別之義天神地示壇而不

屋人鬼乃廟祭是宀中之示也故說曰從宀示

依小徐

刺從束刀

依小徐

刀不可束也聚刀而束之豈能如束溼薪

未有不垂刺者矣此取義於必無之事故不入刀部而又

在束部末束從口木束刀非其本義也余方謂無束刀之

事旋聞小僕曰適見行路者繩束四刀負之手持一刀恐

非善類也。余問其束之也何如。曰：刃皆向內耳。附記之以見腐儒不足論天下事也。

閨下云：從王在門中，此亦順遞爲義者，特不可言從王門，必加字以連屬之。文法雖變，亦正例也。

十部丈下云：十尺也。從又持十。案春官典瑞：璧羨以起度。鄭注：鄭司農云，羨，長也。此璧徑長尺，以起度量。玉人職曰：璧羨度尺以爲度。元謂羨不圓之兒。蓋廣徑八寸，袤一尺。筠案：璧徑九寸，去其廣之一寸，以增於袤，則袤十寸，廣八寸矣。然八寸亦尺，十寸亦尺也。十寸之尺，固分十寸、八寸。

之尺亦分十寸也。橫黍尺當縱黍尺之八寸一分而兩尺皆爲度。初非僅用一尺也。對言則咫尺分散言則咫亦爲尺。猶今尺隨地而異而名不異。且莫不分爲十寸也。八寸尺之寸蓋以中指中節爲度。以手爲尺從而遞增之則仞及尋常之名生焉。十寸尺之寸蓋以寸脈爲度。以肘至尺脈爲尺從而遞增之則丈引之名生焉。王制曰古者以周尺八尺爲步。周禮溝洫亦言廣深八尺。二尋二仞則周時田畝用八寸尺也。儀禮聘禮注引朝貢禮云純四只疏又引鄭君答趙商曰三尺只卽咫也。

此文作咫及只內宰注天子巡守禮曰制幣丈

八尺純四狝疏引趙商問亦作狝而鄭答則作是帛亦用

八寸尺也考工記廬人以尋常計數是五兵亦用八寸尺

也乃家語肅慎桮矢長尺有咫又似二者兼用矣其它圭

璋車輅則似用十寸尺也圭璋卽以玉人證車以人長八

尺登下以爲節證人長八尺故曰丈夫而伸臂則一尋人

之縱橫相等故丈尋異名同實丈字從又持十此之謂也

孟子言枉尋直尺猶言枉丈直尺耳許君以咫爲周尺信而有徵

以上皆合兩字爲意而順遞言之者正例也它如奇從

口距辛局從口在尺下其從止在舟上夾從大俠二人

此類極多難爲更僕吾又未能於其中見疑義故不及也。○易曰雷風恆雷雨作解此一類也皆相連爲義順遞一門蓋足象之。

吏下云從一從史此兩字並峙爲義者亦正例也亦可言

從史從一特字隸一部故先言一然不可言從一史與天

從一大爲異耳夫史者人也一者心也

印林曰以一爲心小徐之鑿說也許

云吏治人者也從一則所以從一者爲其在上也一爲數始餘數皆處其下吏位在上故從一亦猶古文帝示之從一矣何必論心乎筠案九經字樣說吏字云言其執法如一又重之在上與印林意同先有是人而

後論其心似當入史部然吏義廣史義狹古之史似今之

書辨此第借作人字用耳故入之一部凡象形指事之文其聲必在字外形聲之文其聲必在字中會意雖兼二者而有聲者較少既兩字皆義而義有主從當入主義所在之部此指兩字皆部首者言之若一字為部首一字為部屬者不在此例此定例也

冬從夂從冫四時之終恆有久也古文卑則順遞為義矣日窮于次之謂也

以上竝峙為義者凡兩言從者皆是大徐好兩言從小徐好一言從於其

文意之連屬與否求之不難辨也○易曰上天下澤履上火下澤睽竝

峙一門蓋足象之

辨下云從言在辨之閒此於字之部位得其意也

闕之古文闕開之古文闕皆是也惟闕兼形耳非從引也  
之𠄎竦手也之𠄎直是兩手而已且闕之𠄎仍是左手  
仍是右手闕之𠄎反是左手𠄎反是右手何也開乃初開  
故以一象局兩手奉局以開之必順其手之常也闕則大  
開局在門後故字不作局形兩手推之以附著於牆則兩  
掌向外反其手之常也闕變爲開斷其一爲兩直其𠄎爲  
𠄎釋山碑卽如此是李斯之鹵莽也段氏曲解开聲豈有  
當乎玉篇開下云說文作開是又於斷者連之也又曰開



古文是亦於曲者直之也以今準古古猶今也大抵不識物情不能識字也

商下說當兼依二徐本作從口從內內亦聲口在內中者以字形見字義也今作𠂔則其意不了此字雖非象形然是以形見義而兼聲之字

以上以字形發明字義者若遂其部位卽不足見意矣如𠂔從二臣相連𠂔從久平相承乂從人丿相交皆是也特各明一義遂分見耳○易曰天在山中太畜明入地中明夷部位一門蓋足象之○以上三類皆正例也

方名之東南北皆會義東取義於升於扶桑南取義於艸  
木之寘字北獨取二人相背何也直取其相對相當之形  
相背之義也相對相當者以兩而化也相背者萬物之所  
以成終而成始也蓋物之屬北方者莫不殽諸兩蒼龍朱  
雀白虎皆一物也至北方元武則兩物規矩繩皆一物也  
至北方權衡則兩物心肝脾肺皆一物也至北方腎水則  
兩物天地生物至北必兩之聖人製字至北安得不兩之  
哉天時人事皆於是乎去故而就新然天字不能相背也  
故以人相背明之印林曰古背字蓋卽北字後又加肉別

爲一字耳。故背爲北堂。擲風亦作鄩風也。

六下云。陰變於六。正於八。

如此立文者。以八在二篇故也。下文七九相次。則分說之曰陽

之正也。陽之變也。不復如此立文。

從八從八。夫以數言之。先有六而後有

八。以字論之。則先有八而後有六。可見許君說解推本先聖製字之意。不用後世計算之法也。易用九六。不用七八。老變而少不變。變乃玩其占也。八變爲六。故六字從八。然則七變爲九。九不當從七乎。以七篆之形。拗折之。卽成九矣。許君云屈曲殆亦此意。但未明言從七耳。

右二字皆聖人創意爲之。若執字形以求其義。則不無

窒礙故爲變例也。它字尙常有類此者。吾未之見耳。

王部承三部。三下云天地人之道也。王下云三者天地人也。知王字從三。又云三畫而連其中。一部云下上通也。王下云一其貫也。通連貫意皆近似。是從一。然孔子曰一貫三爲王。則是一以貫之之意。一爲一之變體。然則王字當屬變形會意。且兼指事也。

屯下云難也。此正義也。引易卽證此也。又曰象艸木之初生。屯然而難者。此班志所謂象意也。難之意無可象。借中以象之。凡艸木之生。其根必直下。若根先曲。則生意不遂。

惟其芽有所礙始有曲耳而屯字曲其尾者字本取難意  
不主艸而言故曲其尾也易曰剛柔始交而難生屯卦上  
承乾坤乾純剛坤純柔屯震下坎上皆一陽二陰剛柔相  
交之卦自此始也震之陽在初坎之陽在二皆不能直達  
於上故難也以卦德言動而陷於險亦難也屯之爲字中  
在一下是艸在地中也在地中而有枝莖無此事也又曲  
其尾尤無此事也無此事而作此字第以會難意也故地  
本在下而在上變也中曲尾亦變也凡類此者皆謂之變  
形會意

出亦從中從一中在地  
上是出也與屯反對

龍虬之類祇是加一倍法。龍飛龍也。虬虎怒也。龍善飛加一則愈飛。虎善怒加一則愈怒。是龍仍指一龍。虬仍指一虎也。抑又念五經文字云：虬俗以二虎顛倒與說文字林不同。竊意似俗作是也。蓋虬下云二虎齧下云兩虎據此。知其不顛倒。齧下獨云從虎對爭。貝若如今本。是背而不對也。疑字本作齧如齧字之比。以其難寫乃作齧。李勣碑如此。文選魏都賦亦有此字。後復改之。而說文亦因而改。易不然。楷字皆取便利。齧作齧甚不顧其安。爲其便於書寫也。何獨於此字倒之以自蹈於不便乎。

𠂔从大從又是會意而収𠂔固事也兩手向內是爲拱  
揖兩手向外是爲攀援於字形見意則兼指事矣

𠂔步亦是也止字象足形本不分左右若以兩足取象則  
必分左右矣故𠂔步所從之少不取蹈也本義而以少象  
左足止象右足𠂔之足平分而兩向是刺𠂔也步之足前  
後相隨是行步也猶之又爲右手大爲左手合之而作収  
作𠂔也乃無𠂔字不與步同例者手無上下兩用之事也  
又無𠂔字不與𠂔同例者足無左右易位之事也○行步  
兩字之義可卽字形得之爾雅曰堂上謂之行堂下謂之

步曲禮曰堂上接武鄭注武迹也迹相接謂每移足半躡之中人之迹尺二寸案半躡之則後一迹躡前一迹之半兩足必左右相並矣故行字彳亍相並也禮又曰堂下布武鄭注謂每移足各自成迹不相躡案此則兩足相繼矣故步字止少相繼也

束字從八而八不在外者於束中束擇之不可於束外束擇之也

束困皆從木從口然束縛者必當其中以困爲束不可也木乃高聳之物今爲物所口是困也以束爲困不可也故



意在字形中非率然合併兩字便爲會意

以上皆兼指事者也

有會意而意反不在字中者則得意於筆墨之外矣珽下云車笱閒皮篋古者使奉玉以藏之然則皮篋乃珽之正義也然而其字不從皮匚等字而從珽從車珽在篋之中車在篋之外皆不直指其物特以所盛者玉故從珽使必乘車故從車耳而玉不可頓置車上也卽此見其有篋矣爾下云麗爾猶靡麗也其孔玆與爽同意爽下云明也小徐以縫隙說之則爾爽兩字皆指窗櫺其空白處乃字意

也、爾字又  
兼聲

秝下云稀疏適也指兩禾字中閒之空地也立苗欲疏故  
兩禾離立與秝字取其密比者異故字形雖同而命意不  
同也

罷下云鄰道也兩邑祇有鄰意所謂道者中閒空地也  
州下云水中可居者曰州周遶其旁從重川其爲指字之  
空地尤明了也

館下云兩阜之閒也意重閒不重阜

以上意在無字之處者也

有展轉而從所從者之所從以會意者甘部曆字是也各本

譌爲曆小徐曰麻音歷知麻爲麻之譌知字當作曆也說曰和也從甘從麻麻調也

調之卽和之矣然麻者治也麻從秝秝稀疏適也當作稀

疏適歷也周官遂人疏曰稀疏得所名爲適歷然則調和

得宜亦謂之適歷是曆從麻所從之秝爲意也

宰下云舉人從辛辛舉也案辛本不訓舉其說解曰從辛

辛舉也是辛之所從有舉義也而舉字卽在辛部且舉辭

皆訓舉而辭字亦有舉義是從辛之字爲舉也以二者推

測之知辛亦舉也然究係株連不意文字中亦有瓜蔓鈔

也。并下云：舉人相與訟也。從二辛。辟下云：節制其舉也。則直以辛爲舉矣。

以上所從之字不成意。轉由所從與從之者以得意也。匠人建國則圭臬準繩其器也。匠人爲溝洫及困窳倉城之屬則畚鍤楨榦朽鏹其器也。二者皆土工也。匠人營國則兼木工也。其器械尤多矣。欲爲之製字則不可臚列也。乃獨注意於木事。而其審曲面勢神奇工巧又無可措意也。乃以箱篋盛器械者必係工人。爰以仁中有斤。會成匠意。然斤之爲器不能入仁中也。斧鑿繩墨短小之物皆入仁中而不從之者爲其意不著也。故有非情理之實而人

望之而知者匠字是也吾見江南木工不用斤亦不失其  
爲匠也匠及工巫皆人也而其爲字則皆以事表其人吾同年友黟縣余正燮理  
初曰江南木匠斲樹成材及用木牌料者皆用斤作屋作  
器之匠俱用成材不用斤

此意不勝會而所會之意不實不盡者也

有卽其文而少增之卽爲會意者久從不小小步也引長  
之則長行也世從非非三十也三十年卽爲一世矣而又  
曳長之者縣縣不絕之意也圓從日而曲之象出氣也半  
從生而達於下而從丌而連其上

取下云象形實卽耳字而少增之以會意許君言象形者公羊傳所謂辭窮也說文無絲縛之詞故云然耳試思耳訓耳垂無以發其意也反由耳之上增之以象其垂無此形也然人觀之卽知其爲下垂也是以知爲會意

以上就本字而少增之以會意者也

有必從省乃足會意者如胥俎是也苟作𦣻非不可見暴肉之意苟作𦣻亦非謂嫌於蠅乳肉中之𦣻也俎所庋者半體之肉故省肉之半胥之爲肉甚零星從肉則嫌於一肉矣故知此二字者古人刻意作之且兼象形知爲會意

者非會合肉字思之不足得其意也。

彳亍二字分行字以爲意許君謂彳象形亍反彳行從彳  
亍是謂亍行皆會意誤也夔一足乃罕有之物也然旣分  
矣何以謂之會則以非識行字卽此二字不可識也仍是  
會合本字耳。

夕片亦是也月字象形不可分半也而夕從月半見者午  
日當空月自無景至夕則見矣然不如夜月之明也故曰  
半見豈云見其半哉夫朝亦半見安見夕之不爲朝月生  
於西之義也且自朝而禺中月漸卽於暗自夕而下春月

漸卽於明矣故夕得爲將莫之字也木字象形木不可分半也而字之形不可分半也木以上出者爲枝葉下注者爲本根苟以事實論則欲判之爲片者必先斷其本依此形而作字則成屮矣且再斷其枝依此形而作字則成一矣夫而後去其皮夫而後析其榦而片以成焉依此作字豈能以一更剖爲兩乎片之爲字去一半之枝與根而一半之枝與根故在也古人製此字不於物情中得其意而於字形中得其意當亦自詫其巧自笑其非理實也夫櫟之古文不從木無頭與片同省一字而各得其意



占從半尸

了子子皆從子省之以見意了無兩臂子無右臂子無左臂許君說了曰象形誤子子從了則部分所拘也

無左右臂之說

爾雅釋文引之云出字林

川字象長流之形由川而減之爲𡿨再減之爲𡿨則會意字也非以川字比例而推求之不可知其爲𡿨故曰會意也是以𡿨𡿨二字終不可行𡿨之古文𡿨直從田川會意篆文𡿨則諧聲𡿨則經典借同聲之𡿨而說解曰水流澮澮也是卽發明假借也段氏謂澮澮當作活活失之○

段氏謂許君不言象形爲省文非也許君亦以爲會意而與吾說不同也。下云水小流也是謂省川左右四筆獨存中筆以見其爲小也。下云水流澮澮也則由く而增之以見其稍大也。川下云貫穿通流水也則又由く而增之以見其益大也。然許君說水字未允故吾□□三字亦知其意而不敢從也。川下既引澮くく距川容□□引容用尙不能久行也。川者天生之くく人爲之即此足知製字之先後

谷從水半見出於□□□□水敗兒同皆於省文見意也

言二和化  
泉出通川爲谷固非窮瀆不通然究是深山穹谷與長江  
大河不同故從水半見爲陰厓所蔽虧不能洋洋滿兩溪  
也口則假借猶後世言谷口矣

支下云去竹之支也從手持半竹此字重竹不重手然則  
省竹之半作丩可矣爲其與巾字疑似也加又以定之乃  
茂堂增丩以爲个字何也

隶字從尾省者不省則意不見也尾可省者尾從尸從到  
毛本係以會意成象形字故可省也

九下云象形然當是會意說云飛九九也可以疊字形容

則是事也而吾確知爲會意非指事者凡篆當作𠂔省𠂔  
之文以會意𠂔則省飛之文以會意也𠂔篆之右垂者  
凡四畫其一翁也二三翼也其四尾也飛之翁則開張矣  
翼則左右奮揚矣非即羽字象飛之形故反背也尾向下首向上是直刺  
上飛之形也𠂔則省飛之翁及羽者迅疾之至仿佛知爲  
鳥而已不可得而詳察之也九又省𠂔之下半者羽毛未  
臻豐滿但見其爲一團而已此雛之習飛者非鍛翮之禽  
也如非省𠂔而作何以審知爲短羽哉此蓋會意之極變  
矣省飛爲𠂔猶序卦傳之正受省𠂔爲几猶序卦傳  
之反受省至九字無可省矣故夙字又加彡也

非𠂔二字由飛字而生然飛自屬指事非𠂔則省之以會  
意何也不合飛字觀之則其爲非𠂔之故不可見也𠂔下  
云從飛下𠂔所謂下者指向下兩筆言之飛之𠂔向上非  
則上二筆仍向上下二筆變而向下以會其相背之意不  
必有此物情也鴈鵠九頭其心各有所向則𠂔或拗折固  
有此物然造字不取此也且許君此言特言字形之由來  
至說字義則曰違也故部中字皆取違意不取飛意或作  
非者變文以取𠂔不虞卽成飛之省文而六書正譌直以  
爲正以飛爲隸謬也𠂔下云從飛而羽不見不言翁不見

者羽大猶不見則小者可知也苟非迅速何以如此此二  
文者不由飛字推論豈可知其意哉○鐘鼎文无字蓋周  
氏所本

塵之籀文𡗗以會意兼象形其法殊妙又不得議其重疊  
也篆文從麤土會意籀文三鹿無足塵全不見足也土在  
上者爲鹿所揚也以此二端知兼形也

以上皆省文會意者也有一省者有遞省者有同省一  
字而各有取義者吾向者以此等會意爲會悟之會矣  
由今思之乃是會合本字以爲意離卻本字卽不成意

也然則會意中終無會悟一說矣。

有從省文會意而其義實非省者。𦰩部再再二字是也。此乃以𦰩字摺疊觀之以會其意。卽如有布二尺以杖當中荷之則一面祇見一尺以手當中提之亦一面祇見一尺。然人固知彼一面定有一尺也。再所從之一卽杖也。再所從之爪卽手也。而所從之再卽如布之舉其中也。且如非舉其中則無以成兩面也。故再下云一舉而二也。再下云竝舉也。苟不以𦰩字摺疊觀之則省去一半矣。何二之云何竝之云。

此名省而實不省者爲省文會意之奇變吾能識之亦  
有功於此二字也。吾由再字悟入吾鄉俗語舉物之中  
謂之再爾雅偶舉也卽此意而借解  
字爲之。

止部止蹈也以足蹈物則其足不主故常故反之以見意  
正部止別無說解祇引左氏蓋說義說形說音之詞盡佚  
之矣與輔字說解正同不必曲爲之解也又案正字當以  
正鵠爲本義全體象形非會意也正鵠必正向人射者亦  
正己而發於是中正之義生焉之以拒矢與正之受矢相  
反故反之以見意拒矢是欲其無矢於是匱乏之義生焉



吾恐許君之說正字也祇言其借義未言其本義也殆亦千慮之失耳

大下云象形不云從反又者左手自有其形也又下不云又手也而大下云大手也者對文則大又有別散文則又字統兩手也卽如少反止而訓爲蹈是虛字也而大下所從之少則仍是足若散文則以止統兩足也

爪下云亦𠂔也從反爪言亦者承部首爪𠂔也而言其字

玉篇作𠂔廣韻作𠂔二書皆有𠂔字云梁四公子𠂔臂後

案孟子之母𠂔氏則此姓甚古

印林曰孟母𠂔氏古書從無道及者明時始有之恐

屬無稽未可援據孟林有  
金時碑作李姓亦無考

而聲意不合蓋卽此𠂔字斷者

連之連者斷之卽成𠂔也廣韻掌下云又姓或本是一姓  
乎段氏引小顏注揚雄賦𠂔古掌字案掌下云手中也知  
爲手掌之專字𠂔旣訓𠂔當爲執掌之專字也而賦無異  
者散則通也卽林日以字體論當先有𠂔而後有掌以字  
義論當先有手掌而後有執掌許乃以𠂔爲執以掌爲手  
中不幾舛乎竊謂𠂔又有掌猶𠂔又有叉𠂔𠂔皆特造之  
字掌叉則有所因而造矣𠂔訓覆手叉訓手足𠂔而詩之  
𠂔牙史記之揃𠂔義皆爲叉非直假借而已古時蓋無叉

掌字惟作爪，爪後又添出又，掌乃從而分屬其義。然周禮許多掌字，竝無古文作爪之說。然則掌固其本字，而非爪之假□也。許君分繫其義，使人讀爪，爪而卽知其爲又，掌讀又，掌而卽知其爲爪，爪焉耳。又曰：禮喪大記，爪足爪手俱作爪，曲禮不蚤鬣，作蚤。鄭注：蚤讀爲爪。是禮本文及鄭意皆以爪爲手足甲也。筠案：字有不見經典者，許君卽其形說之。推印林之說，卽得其故。至以象形指事字爲先作形聲字，後作正，不盡然。又謂爪又一字亦不然。指事篇爪下已言之矣。○殷從爪而向左，虞從爪而向右。小徐作開則如故

因疑曰下云從𠂔𠂔卽此爪𠂔二字然𠂔反爪𠂔反𠂔其義殊不反又皆云闕吾恐𠂔𠂔之爲後增也

𠂔下云亦持也承部首𠂔持也而言手部搯𠂔搯也蓋𠂔𠂔卽𠂔搯音義竝同

𠂔下竝無說解而遽云從反𠂔是此字無義也又云闕是此字無音也旣無音義何以爲字第爲𠂔從此一句設耳此必後人所增也夫𠂔之反又少之反止人之兩手兩足本不同也乃若𠂔之從二𠂔也𠂔部未嘗有𠂔也門之從二𠂔也𠂔部未嘗有𠂔也推之尾從到毛毛部不必有𠂔

也。𠂔坐從二人不得謂匕字又讀爲人也。爪亦有作𠂔者不言橫爪也。幸其未嘗一切增之故有隙可尋。

𠂔從反𠂔說曰𠂔也。唐韻則候切蓋欲以𠂔曰爲節奏之專字也。吾亦疑之。殆爲𠂔字從𠂔𠂔設耳。○說文校議曰。小徐無𠂔篆六書故𠂔从𠂔𠂔引唐本曰反𠂔爲𠂔蓋唐本亦無𠂔篆獨案𠂔既非字卽不得言從祇當云從二𠂔相向耳。

𠂔從反印印以文爲面當其敷泥於紙以印按之則面向下矣故從反印。西藏回疆其印色名曰蠟擦形如醫人所搗響串紅黃色不知何物爲之其封物也

不用黏黏以火炙蠟擦令融化印蘸之以按於封口卽固矣且旣開之後卽再以膠黏之亦不相著矣以其似古之泥而又甚巧也附記之

九從反仄仄側傾也側而傾不可轉也九之傾側無所謂傾側也本無正面故也字形相反意亦相反矣

辰從反永永者水長也長者爲川川有分派江別爲沱是也與經流別異故從反永此於字形見意耳段氏謂裴流別則正流之長者較短是於永字之義有反矣江別爲沱江豈能短於沱哉非事實故知非許意也段氏又夾入漾東流爲漢沈東流爲洌亦非此乃隨地異名非別出也引

爾雅河出爲灋是

𠂔下云從反已案此到之而又反之也蓋𠂔反之則爲𠂔到之則爲𠂔𠂔既通體到之而上半用其反而後到之形下半用其到形也

𠂔下云從反𠂔案此說未合當依步部例𠂔步皆從止少𠂔字兩足左右分故爲𠂔𠂔步字兩足相繼故爲行步𠂔𠂔皆從𠂔又𠂔兩手相向是拱手也𠂔兩手向外是有所攀附也各會其意不得謂之反𠂔步下云從止少相背則此亦云從𠂔又相背可矣蓋𠂔字𠂔古左字手在左又古右字

手在右如其本位。𠂇字又手反在左。𠂇手反在右。無此事也。特以指爪外向似易其左右耳。

舛下云從𠂇𠂇相背。玉篇引同。然終恐是後人改。𠂇部無中。直是反𠂇耳。取相背之意。則以𠂇兩向作之。猶𠂇從二臣相違。不得緣其文而妄於𠂇部增𠂇。臣部增𠂇也。凡相反之有義者。如山𠂇之類。必是原文。其無義者。如𠂇𠂇𠂇之類。吾皆疑之。而𠂇尤甚。其說曰。從反邑。𠂇字從此闕。一也。玉篇不收二也。大徐不引唐韻音切。是唐韻亦不收三也。朱翱亦無反語四也。類篇引小徐怨阮切且以事實言之。𠂇下云



鄰道也。鄉下云里中道也。鄰里一義。而唐韻皆胡絳切。則其音又同。當爲一字。而𡵓字會意。鄉乃孳育之形聲字也。然則兩邑仍是一邑。取其中央闕然爲道耳。若是兩邑。則吾鄉邨落最密。相距亦必二三里。不能有此二三里之闕巷也。且邑安有反正。然可以云反者。會其意也。東西巷則居南者北戶。居北者南戶。南北巷亦然。是相反也。何取於別作邑字。然則舛字下亦云從二又相背可矣。𡵓字下亦云從兩邑相背可矣。金刻從邑之字。在右者皆正。在左者或正或反。則邑祇是邑之變文。久從後至也。𡵓跨步也。從反久。此則兩義不相蒙。而但取

字形相反者

北從二人相背猶夾從二人相向反人仍是人也。

𠂔之與門以𠂔從反𠂔例之則𠂔下當云從反門矣。而許君不然者云從反門則是開字意也。故並不云從二戶相背。第云象開門之形。此許君措詞之審細也。𠂔下云閉門。放此𠂔閉門而字不反𠂔。以反𠂔仍是門字也。故連其上以見閉意。此又有所避而變形爲會意之變例。

𠂔從反𠂔。𠂔從反人。𠂔𠂔𠂔𠂔𠂔從反身。司從反后。𠂔從反人。𠂔從反人。𠂔從反𠂔。以上八字雖無說。特由此類字

少皆集之以備考也

以上皆反文以會意者也其中亦有不然者類聚便於  
觀覽如𠂔𠂔𠂔𠂔是也且此及到文法頗新奇用力少  
而成功多故不使或遺少𠂔二字亦相反而許君不言  
殆以其同義邪沙之重文作𠂔矣𠂔與𠂔同義𠂔與𠂔同義而皆言反則𠂔  
下不言或亦偶從耳○易曰天地交泰天地不交否此一類也皆  
於反正取義反文到文蓋足象之

丁下二字之說解小徐本作從反上爲下案當言到而言  
反者上字無反故通其文

干從到入而說曰從反入。入字無反。不待分別言之。到入非字而得言從者。入之以不順。所以見干犯意也。

幻下云從反予。當依玉篇作從到予。推予者實事也。到之則幻妄也。

丹篆作𠂔。

徐依小

而古文作𠂔。是顛之倒之。仍一字也。惟與

甘篆作𠂔。疑似。蓋小篆變其文。卽以此也。

卑從到直而說曰反。

市從到止而說曰從反之。而市也者。此必當言反者也。出者出也。旣出而反。是周市也。苟言到則無以見意。

七從到人。尸從到毛。竝加尸以會意。俱從到。貴去從到。子  
充從到。古文學。

以上到文以會意者也。艸艸巾巾正相顛倒。然各自象  
形。不在此例。○以上十二類皆變例也。

有會意字而所從之字各自爲意。必不可會者。許君亦兩  
分說之。不肯勉強扭合。聞疑載疑也。君下云尊也。從尹。此  
釋尹字也。君尊尹三字□□近。又云發號故從口。此釋口  
字也。君字尹口二義不甚聯貫。故許說兩對立。文設以在  
口部。而曰從口從尹。則是爲君者尙口也。卽如小徐從尹

口。又是所治者口也。

人部伊下云尹治天下者訓尹以治

文義皆不可通許

君說字必揣聖人制字之意不肯執見成之字隨文說之遇難說者必不牽合今之君子見其字上尹下口卽曰從尹口亦曾念二字之不相附屬乎

孛下云寡也從艸此一義也承寡下說艸木寡孛之兒來也人色也從子此又一義也起下所引論語也兩義相對立文不復牽合爲一又春秋有星孛于大辰西此不及者卽寡孛之引申義也

聯下云連也字義不難知也然絲可以連耳何以連合絲

於耳。又何以連字形殊難知也。故許君分疏之。而各以連字與字義黏合。終不扭合耳。絲爲一義。疑以傳疑也。段氏增四字。非也。

右三字。許君本疑之。

冢從冂豕。文不成意。與家字同一不可解。

爾下云登也。從門下。不甚可解。段氏改下爲上。則誤門之上則楣。楣之上則字。非可登之物也。

右則余不能解者。記之俟質。

凡會意字。或會兩象形字以爲意。或會兩指事字以爲意。

或會一形一事以爲意或會一象形一會意或會一指事  
一會意皆常也然亦有會形聲字以爲意者言從辛聲而  
詹衙信音音誦善則從之以會意也支從卜聲而食寇敗  
敗牧改攸枚夏則從之以會意也初從丰聲而契契從之  
穴從八聲而突竄次從之句從斗聲而拘笱鉤雖從之放  
從方聲而敖敷從之畀從由聲孫愴齋謂從  
由聲似是而鼻異從之  
𠂔從亏聲而𠂔𠂔從之聿從一聲而筆屮聿建從之疑從  
匕矢兩聲而𠂔𠂔從之身從尸聲而𠂔𠂔從之能從目聲  
而罷態從之辰從尸聲而辱晨辱從之糴從翟聲而糴糴



從之。𠂔從臣聲而緊堅𦣻從之柔從矛聲而鞣燖從之壯  
從爿聲而𡗗𡗗從之爰從儿聲而役投殷般從之齒從止  
聲而齟齬齕從之獲從犛而犛三聲也郵從垂而垂衆聲  
也凭從任而任壬聲也𢇛從受而受身省聲也𦙆從舟而  
舟八聲也𧈐從壘而壘共聲也膏從旬而旬勻省聲也會  
從曾省而曾回聲也等從寺而寺土聲也徵從微省而微  
敬聲也疊從宜而宜多省聲也寡從頒而頒分聲也便從  
更而更丙聲也顓從景而景京聲也擲從舉而舉齊聲也  
緜從帛而帛白聲也董從黃省而黃苙聲也銜從金而金

今聲也。陞從毀省而毀，毀省聲也。醢從盃而盃右聲也。无從元而元，兀聲也。頽從類而類，類聲也。褻從襄而襄，褻聲也。嵐從風而風，凡聲也。釐從犛省而犛，犛聲也。則未聲也。博從專而專，甫聲也。甫則父聲也。瞑從冥而冥，門聲也。腥從星而星，生聲也。塞從塞而塞，塞聲也。饗從鄉而鄉，自聲也。寢從夢而夢，瞢省聲也。纍從纍而纍，纍聲也。畱從畱而畱，畱聲也。侍從待而待，寺聲也。債從賁而賁，畜聲也。羸從羸而羸，羸聲也。竣從夊而夊，允聲也。慮從廣而廣，黃聲也。泐從防而防，力聲也。塹從徹而徹，育聲也。醫從毌而毌，医聲也。

也沙從少而少ノ聲也𤇗從熱省而熱執聲也又有兩體皆形聲字者寤之從寢省從言也設之從言殳也認之從言思也教之從孝攴也誼之從言宜也𡗗之從攴羣也𡗗之從盧宜也至於展轉而從形聲字者如音從言而從音之章不計也鼻從畀而從鼻之𦵏不計也然已一百一十字會意字凡千二百餘已幾及十之一矣蓋形聲字上古卽有之如五岳四瀆之名縱曰禹平水土主名山川亦在唐虞之世卽身齒言聿星風黃金皆不應爲古所無也李斯作小篆卽合古之形聲字以爲會意亦理之自然者矣

○五百四十部首而形聲字五十五由此推之而會意形聲之不分氏印亦可見矣故六書之次班志則象意先於象聲說文則形聲先於會意

### 轉注

許君敘曰五曰轉注轉注者建類一首同意相受考老是也裴務齊謂考字左回老字右轉以隸釋篆至爲鄙俗戴侗六書故周伯琦六書正譌亦用左回右轉之說別舉側山爲阜反人爲匕反欠爲无到子爲去用以爲例是以形之變轉其義則混

於象形會意鄭樵六書略曰諧聲轉注一也則混  
於形聲不知許君云建類者建立也類猶人之族  
類也如老部中字暮耄耆壽皆老之類故立老字  
爲首是曰一首乃諸字皆以老爲義而耆字直說  
之曰老也與考下云老也同詞顧不云老者而云  
考老者則以其同意而非相受也老下云考也考  
下云老也始爲相受矣何爲其相受也老卽耆耆  
卽老故不能相受若老者考也父爲考尊其老也  
孝下云子承老也此老字卽作考字用以孝字然  
上承考字故云然易曰庶承考也卽許所本然

考有成義謂老而德業成也永錫難老考槃在澗則不可互用是知以老注考以考注老其意相成故轉相爲注遂爲轉注之律令矣說文分部原以別其族類如譜系然乃字形所拘或與譜異是以唐書宰相世系表同一韋氏而九房分焉同一郭氏而陽曲華陽中山分焉或同姓而別其支或同氏而異其祖而說文不能也是以龔芭皆嘉穀而字旣從艸不得入禾部也荆楚本一木而荆不得入林部楚不得入艸部也故同意相受者或不必要

建類一首矣考老疊韻惟策刺蓄蓄之類尙與同  
例它或不能矣頁頁首面四部又手寸三部止足  
走辵四部如世系表之分房其轉注宜也而部首  
意絕遠者亦得轉注則如人之爲後於異姓者矣  
要而論之轉注者一義而數字假借者一字而數  
義何爲其數字也語有輕重地分南北必不能以  
而同之何爲其數義也古人於有是語無是字者  
借之卽有是字者亦借之取其入耳可通而已故  
老從人毛匕會意字也考從老省丂聲形聲字也

則知轉注者於六書中觀其會通也假借者窮則變變則通通則久也

策刺也刺策也蒿蒿也蒿蒿也皆同聲相轉注

淩芰也芰淩也楚謂之芰秦謂之薺薺皆國別方言但以義轉注聲不同也

藥簾剡亂以初生未秀八月已成爲別聲相通也

藹藹蓮茄荷蕤藹以根葉粵實爲別聲不通也

性同而形不同則殊異其詞如楊木也檣河柳也吾鄉呼爲隨河

柳小楊也以其皆可爲栢櫟也栢山桑也栢栢桑也小依



徐以其皆可飼蠶也。段氏謂柘桑相似，蓋未見其木。夫蠶之初生，桑芽未發，剪柘濟之，卽如蠶將老而桑已盡，則縱之豌豆中，亦可不死，但繭薄耳。又如山蠶食榭及櫟、樗、蠶食樗及蓺麻，皆不可謂之相似也。又椒亦有蠶，女好而有二黃角，觸之則角縮如蝸牛。杏亦有蠶，入地作繭，特堅於它繭，頗難得。此皆所謂野蠶。成繭，古人以爲瑞應者也。余恆見之，不以爲異。

桄榔椽，一物也。而周、秦、齊、魯分焉。楣、檐、栒、槐、枹，聯一物也。而齊、楚、秦分焉。𣎵，屋栒也。秦謂之桄，齊謂之𣎵，是齊呼椽

爲桷。秦呼桷爲桷，則一名而各有所謂焉。且齊旣謂桷爲檐，又謂桷爲戶，則一地異名焉。

有因所用而異其名者。圉，圍一也。而養畜與禽獸分焉。園，圃一也。而樹果種菜分焉。

犗，下云驂牛也。驂，下云犗馬也。犗，下云羊殺犗也。羝，下云驂羊也。羝，下云羝豕也。猗，下云犗犬也。其事則一。隨所施而異其名耳。交互說之不煩言而已解。今概謂之驂

揃之下爲城，故說揃曰城也。城之下爲批，故說城曰批也。批及擲之下爲梓，故說批擲皆曰梓也。至梓而異名畢矣。

卽說之曰掄曰搃曰批曰擲人究不知爲何事也故質言之曰持頭髮也而上四字皆可知矣如此易解而段氏改搃下批也爲掌也以掌下一曰搃頰旁也爲據且無論一曰之文多不足信或以批掌之形不異卽訓可互通故加此句卽屬許君原文則有正義有借義者多矣搃爲批之正義爲掌之借義獨不可乎且卽如段氏意則許君何以使搃批相次而掌反在四十六文之後乎○又案兩字轉注有一習見字乃可用如此五字者今皆無此語蓋許君時亦無此語故逐字遞相注而不復轉也亦轉注之變例

矣。

有隔字而後轉者如論下云議也議下云語也語下云論  
也有互見以爲轉者如讞下云誕也誇下云讞也誕下云  
詞誕也講下云讞也四字相注而其詞則不轉也段氏謂  
詞誕爲誤非也許自用無逸之旣誕耳

傳云欺誕

恚下云恨也段氏改爲怒也而謂各本作怨也皆誣也案  
自秘至快凡十七字惟惡憎二字橫互其閒餘十五字皆  
怨怒之類且恚下云恨也恨下云怨也怨下云恚也展轉  
流通此多字相爲轉注之法與兩字轉注更無它字者不

同段氏必能知此此則倦時偶誤

轉注有羅紋法言部誣相毀也此毀乃鑿之借也女部鑿惡也此惡乃誣之借也猝視之若不相涉而其意可以互證且兼以明假借矣

說文同部轉注異部轉注段氏皆發其端矣然惟衣部裘下云裏也交部裏下云裘也此類段氏乃知之如女部姤下云覲也面部覲下云面醜也此類轉注之法段氏則不知而改之矣又有轉注而再加注以申之者段氏尤不知則以句讀不明之故也日部早下云晨

本作晨依段氏改

也而晨

部云早昧爽也。早字自爲句。蓋以晨早轉注。尙不定其爲  
鷄鳴時邪。抑旣旦時邪。故加昧爽二字。是所謂早者。乃指  
將明未明之時。而晨之義始與旦之義別也。周書時甲子  
昧爽。傳曰昧爽。早旦是也。然則何不云早也。昧爽也。曰此  
說文例也。以早通晨之名。以昧爽釋晨之義。苟加也字。則  
分爲兩義矣。而玉篇往往加也字。則顧氏不如許君之精  
審也。食部餽下云祭酹也。玉篇同。廣韻集韻引竝同。後漢書王  
漁傳李注引說文。酹。祭酹也。何伯求傳李注不引。亦同。此  
文案說文無酹字。以其說之。祭酹也。與今本同誤。知所引  
卽餽下惟元應引作酹祭也。是也。以西部酹下云餽祭也  
說也。

絜之可知餽酌轉注皆祭名也竝作兩句讀二事皆主謂

酒故玉篇餽亦作醑

廣韻分之集韻亦合之

土部垣下云牆也而齋

部牆下云垣蔽也牆垣之用皆取於障蔽左傳曰人之有

牆以蔽惡也棄下云茱萸也亦兩句讀而微與它處不同

雷下云春去麥皮也乃其本義漢人呼茱爲雷而又不

隹之正字

見雷部

故先以茱通其古名再以雷通其今名也

此處已明故茱相下皆直曰雷矣吾鄉皆呼爲盞而斗部

斛乃其正字也

釋器斛謂之斛剡譌從刀

梲下云梲木薪也梲下云梲

木未析也此旣已轉注而又互申其義也檓下云穫刈也

似可不加刈字以獲下云刈穀也足以了之也必別言之者刈乃芟艸之專名穡獲則刈穀之名也

釋詁穡穡獲也獲殆獲之譌矣

口下云瑞信也瑞下云以玉爲信也虞書第言五瑞則不兼周禮諸節而口固其統名也故先以瑞通其名而後說之曰信也角下云市徧也謂角市之詞皆徧之意也市下云周也不用角字所以發明假借設角下第云市也則假借之法不明惟徧下亦曰市也於是以市說徧以市與徧說角而後以周說市之爲借曉然無疑而凡說解中之用周爲徧不用密也之本義者亦皆曉然無疑而段氏改市



下云角也。於此又疑徧爲衍文。何其不瞭。厶下云姦表也。其姦下云私也。旣用借字矣。於此又加表字者。則以厶之義廣於姦。凡不公不正者。皆是不第爲姦逸之名也。段氏欲刪表字。誤也。庖下云廚也。廚下云庖屋也。玉篇同。業轉注矣。而加屋字者。庖爲宰殺之所。不在屋中。廚則烹飪之所也。故微加區別。虫部蠚下云跌也。宋乘二徐本同而長部跌下云蠚蛇毒長也。依玉篇改跌蠚皆名目。故總釋之曰蛇毒長也。玉篇曰蠚也。蛇毒長也。此自是玉篇例。不得於說文增也。字。示部紫下云。燒柴焚燎以祭。天神火部燹下云。紫祭天。

也。柴表皆其名。祭天乃其事。而又一詳一略也。餌部。墮下云。塞上亭守燹火者。火部。燹下云。燹。候表也。燹。燹轉注。而候表亦是兩意。候主望敵爲言。表主表示本國言。如列樹以表道之表矣。木部。械下云。篋也。篋乃國之或體而亡部。匱下云。械。小徐有藏也。二字皆非恆用。故申之以藏。阜部。隅下云。隅也。而隅下云。阪隅也。又疑阪爲隅之譌。隅隅聲韻字也。於隅言阪則隅可知矣。凡物有角皆謂之隅。而不謂之隅。此自古人偶不借之耳。不得謂隅爲通名。而隅爲阪隅之專名也。阻下云。險也。險下云。阻難也。隋下云。陵也。陵下云。隋高也。皆兩字。

轉注而加難與高以申明之也以上晨餼醑牆棄梲楬積  
口舛厶廚跌食湊區陬險陵凡十九字惟廚陬二字說解  
一句讀其餘說解並作兩句讀皆既已轉注而又加字以  
申明其義者也又有轉注而其字即可通用者禴下云禴  
牲馬祭也段氏引杜子春曰禴禴也此卽許說之句讀也  
先以禴釋禴再以牲馬祭說其所爲之事音義既同禴而  
不列爲禴之重文者蓋其義分廣狹矣廣韻三十二皓禴  
牲馬祭也無禴字是知說文句讀者也且人所以讀爲一  
句者殆以牲馬不應祭而附會既伯既禴之文於是小徐

引詩作禡而大徐直以爲許君語然禡字之得存卽以此也。許說所據者周禮甸祝禡牲禡馬也。釋天。初學記引說。既伯既禡馬祭也。第據詩言與許不同。文祭豕先曰禴則讀者疑之而又以爲無用直刪之也。荐下云薦席也。薦自爲句音同則義通。今所用薦藉字皆荐之義。席也。始說荐義矣。顛下云選具也。謂顛選通用而其義則具也。玉篇云顛或爲僕。古文作選。案人部僕下亦云具也。而選下云遣也。顛下之選非其本義。故又言具以明之。發下云綴聯也。兩句讀發綴同義。蓋遞增之字。唐韻不同音。蓋亦古今分也。按氏曰以綴說發猶以乘說立得。

其理矣。以上三字則以轉注而兼明假借者也。又有卽是一字者。干下云跨步也。干跨一字以重文爲訓也。步字乃釋其事。𠂔下云秀也。𠂔下云𠂔秀也。𠂔𠂔一字故再用𠂔下之說也。𠂔下云滓𠂔也。此廣三名也。故淤下又以𠂔滓連文。滓𠂔二字下皆云𠂔也。𠂔下云𠂔謂之𠂔𠂔滓也。而𠂔𠂔之爲一字明矣。別有發明假借而今人誤讀爲一句者。崇下云二曰崇衛使災不生當作三句讀。崇也者衛也使災不生也。崇衛雙聲又人之血氣曰崇衛皆非衛之本義也。𠂔下云便巧言也。便自爲句。所引論語今本固作便。

也巧言乃直解之翼下云營求也營字一句所引書序翼  
求今本作營求宗下云尊祖廟也宗尊雙聲通用故伯宗  
亦作伯尊又有發明它部字之引伸假借而亦當讀爲兩  
句者行下云人之步趨也而循下云行順也此乃循行國  
邑之行於此發行之引伸義也順則以音釋其義豈可刪  
乎訓下云說教也而詁下云訓故言也玉篇後漢書桓譚  
傳注引說文詁訓古言也然則訓字一句與說教義同詁  
之義也古言也一句又以字形說字義也而今譌古爲故  
者蓋以毛詩故訓傳今本作詁遂緣古故之通用忘其爲

兼說字形而改之也。不然，詁爲會意兼聲之字，而但云古聲者，則以說字義已見古字也。辟下云法也，而漱下云辟漱，鑊也。此乃萬辟干灌之辟，以辟說漱，再加漱鑊以覈其實也。表下云上衣也，而箋下云表識書也。此表爲箋之別名，識書則其義也。毛詩釋文鄭氏箋下引字林，箋表也，識也。禁下云吉凶之忌也，而籒下云禁苑也。此乃宮禁之禁，又以苑通其名也。故玉篇引漢書注，縣連禁禦以說之。禦人之義，說文借用御，籒字從御，故以禁說之。蓋謂籒苑一物，何以有兩名，特以御人使不得闌入，故又名籒耳。苟連

讀禁苑而苑下第言養禽獸不見禁意將無苑爲不禁人

之所乎不可通矣

備禦之義古第用御漢初則借禦故許君說禦曰祀也所以存古訓也如邶風

谷風亦以御冬以我御窮此古借御之證也毛傳御禦也此以漢時借字釋古借字之法也釋文一本下句卽作禦字此後人以今字改古字也大雅解禦侮釋文作御云本又作禦說文珠下引國語珠以禦火災蓋後人以今本國語改之置下云赦也而奠下云置祭也以見置之又訓爲奠

而奠之事則祭也召南毛傳奠置也鄭箋謂教成之祭也

各舉一義許君兼明之參下云攘臂繩也而稻下云參束

也此參以靜字作動字用爲稻之別名

韻會謂稻亦作參則兩字本通而

東則其義也冠下云參也所以參髮亦以參之借義爲束



已於稭下明之。不嫌於以冠爲攘臂繩也。箸下云飯敲也。而倬下云箸大也。此乃箸明之箸。倬箸雙聲。故通其詞。雲漢毛傳。第三云倬大也。足證箸字句絕矣。倬下云辟。大徐作避也。而倬下云倬實也。此乃倬陋之倬。故又申之以寔玉篇。但云倬也。而注倬曰邪也。將無倬爲邪倬乎。此顧氏之疏也。接下云交也。卽其交也。以道其接也。以禮之謂。而裨下云接益也。此以布帛相續而謂之接也。其事爲接其義爲益。蓋衣短而別以布帛續之。有益於舊也。鑠下云銷也。而煉下云鑠冶金也。此補鑠下說之未備也。金部銷鑠轉注而

與鑄同義鍊下云冶金也煉與鍊同音義而加鍊字者謂銷鑠之而後去粗取精也冶下云銷也鎔下云冶器法也許君以冶金說煉卽以說鍊漢書董仲舒傳若金之在鎔惟冶者之所鑄卽許君義也玉篇煉鍊下皆曰冶金蓋誤駟下云壯作牡者謬馬也而樊下云駟大也樊駟同音相訓謂壯馬之駟之又訓樊非謂訓大之樊之又爲壯馬也釋言樊駟也方言凡人之大謂之樊許君合用之其或與右數種無涉而亦當兩句讀者竝綴於後殂下云往死也往字一句尙書疏亦以殂爲往爾雅云殂落死也而許君曰往

者。殂。徂也。徂。往也。本乎天者親上。人死則智氣在上。故謂之殂。本乎地者親下。故曰體魄則降而謂之落也。許所據尚書作勛。乃殂則尊尊之詞。猶曲禮天王登假矣。殂下云微盡也。微字亦當是一句。而似有譌誤。蓋爾雅穀梁傳皆曰殂盡也。許君加微字。而微之音義皆不與殂合。始用公羊殂字。而曰殂盡也。以殂說殂音義通也。再以盡說之。則質言其義也。讀者蓋未檢公羊殂漬之說。疑殂爲殂之譌。殂下云細也。細下云微也。殂下云微殂爲功。殆展轉而改爲微。乃不可通乎。剗下云剗傷也。剗下云利傷也。皆似是。

兩句其實爲劃爲利其義則傷也顧劃傷詞猶相連利傷必不相連此蓋爲聘義廉而不剝作注解廉則疑於鋒利矣然不鋒利故無所傷也鄭注傷也乃直解之許君加利字則原其情也檣下云棺槨也其用則棺其形則槨也薨下云薨榮也兩句讀然與它處少異薨薨榮三者皆其名以其義不須說也茅下云艸之莖榮也莖卽薨之或體爾雅釋艸同釋言曰皇華也與說文引薨薨也異蓋本用或體莖後又省艸也檣下云留止也兩句讀檣留成語留止不成語留下云止也玉篇檣下云留也皆可證園應引留

止曰稽亦不知句讀而顛倒引之稽之爲止乃是少留非  
竟止也故不能直以止說之賒下云賁賈也以賁通其名  
以賈表其實故賁下云貸也玉篇曰不交賣也蓋易曰交  
易而退而賒者但取其物不付以錢其事爲不交有似借  
貸而後必付之故曰賈也故賒賁二字下作兩說展轉以  
通其義賒者之錢交以遠日故假賒爲遠矧下云早敬也  
玉篇早也敬也早以通風之名敬其義也下文早敬者也  
則連言之承此文也乃其言爲早而字從夕者故下文申  
其義以詩多夙夜連言禮乃單言夙興故知此字以夕爲

主義而不入𠂔部抑本部字皆正言𠂔獨夙從夕而義則爲早與部首反對故在部末乃此下又有墓字吾恐卽是𠂔部之墓重出於此也而玉篇亦有𦼮下云虛無食也兩句讀傷下云熾盛也毛傳祇言熾也知爲兩句傷之義爲熾而詩人之意則以喻衰妣之勢盛也故熾盛二字一表一裏迭相訓釋非如偁下云彊力也爲順遞之詞也設曰熾也盛也則成兩義故合爲一句其實則分字面字義而說之也傭下云均直也同上玉篇增爲均也直也段氏不察而依之卽如倬下云明也大也所謂明卽說文之箸也

亦分爲兩句矣。覲下云遇見也。兩句讀草蟲毛傳云遇也。覲下云蔽不相見也。覲蔽雙聲。自爲句。卽下云望欲有所庶及也。固是兩句。然如小徐望下加也字。則成兩義。卽下云輔信也。所引書。今作弼。釋詁弼。裴輔比。甫也。易曰比輔也。卽當卽是易爾雅之比。特輔之爲信。未見耳。庠下云儲置屋下也。儲字一句。人部儲。侍也。侍待也。此加置屋下者。謂頓置於屋下以待用。兼釋字之從广也。而儲侍二字之義皆明矣。庠侍同音。是同字也。庠下云礙止也。兩句讀石部礙下云止也。則此云礙也足矣。而必加止字者。則以庠

礙二字世多連用故礙下不云塵也爲其詞之不順也駢  
下云驂旁馬驂句絕鄭注檀弓曰駢馬曰驂箋詩曰驂兩  
駢也哀下云灰哀煤也呂氏春秋任數篇云臺煤入甌中  
高注讀臺爲哀云哀煤煙塵也然則說文灰字一句爲其  
訓義哀煤連文乃灰之別名乃不云哀煤灰也本部又無  
煤字蓋經倒亂脫佚矣高氏所云煙塵者謂煙之所熏久  
而積爲塵也又水氣所生曰莓苔火氣所生曰哀煤其物  
相似故音同也臭下云大白澤也兩句大白以字形說字  
義從大從白承此句澤也句直解字義古文以爲澤字□



此句抑此澤也。蓋白鳥鵲傳鳥白肥澤之澤矣。或誤讀爲一句而謂爲白澤之大者。白澤非中國物。古人不應爲製字。且又無事於區別其大小也。晉下云廢一偏下也。廣韻引同玉篇第云廢也。案廢字一句。廢者屋頓也。乃向下委頓之名。偏者頗也。頗者頭偏也。此云一偏下。則不用偏之本義。乃左傳晉楚各處其偏之偏。偏者邊也。謂一邊下也。引繩而絕之。其絕必有處。一邊下斯廢頓矣。一邊下卽有一邊不下。如跛者之偏任一足。故引伸爲替代之義。憚下云忌難也。其情則忌。其故則爲其難也。忌下云憎惡也。

憚不用其正義故加難字且忌與忿悁恚怒爲類是毗於陽者也憚與慙愁恐悁字爲類是毗於陰者也其氣有盈歉之分矣快下云不服懟也亦兩句由其心不服而生懟也玉篇懟也不服也悵下云望悵也亦兩句望爲悵之故悵爲悵之情故詞人悵望連用疊韻字也悵下云愁不安也其訓爲愁其意爲不安也悵悵爲吾鄉常語猶醫方所謂胸口嘈雜矣沖下云涌搖也兩句讀涌下云滕也滕下云水超涌也段氏依韻會改涌爲踊案涌滕轉注且下文涌洸波三字皆言涌似不須改惟沖之義與涌同而所指

不同故言搖以別之。容下云深通川也。言容者深也而非淺深之深。謂深川之湮塞者。通不通以使之通也。此處引書容畎澮距川。川部引作濬。々々距川而說之曰。言深濬

依釋水疏補濬字

々々之水會爲川也。卽是深通川也。之箋疏而

深字自爲句明矣。振下云舉救也。其義爲舉其事爲救也。謂之舉者。猶云拯於水火之中。拊下云上舉也。妻下云婦與已齊者也。婦自爲句。截下云小蟬蜩也。兩句讀。蜩下云蟬也。渾言之。此析言之。蜩乃良蜩。色具五采。形小於蟬。而藏之色則如蟬形。則如蜩。鑄下云大鐘。淳于之屬。所以應

鐘磬也。合三句以解一字曰大鐘。謂其用也。曰淳于之屬。仿像其形也。設鑄果是大鐘。則鑄下云大鐘。謂之鑄矣。鑄。鑄非一物也。段氏謂大鐘下當有也字。非。自下云大陸山無石者。大陸廣其名。山無石者。釋其義。以上諸句讀。段氏率不知而混爲一義。偶然分之。則增一也字。或且誤加刪削。不知字有表有裏。名目表也。意指裏也。兩也字。卽成兩義。而連讀之。則有必不相屬者。卽如顛下云選具也。旣具而後可選擇。不能先選而後具也。其四字者。如扶下云扶疏四布也。扶疏其名。四布其義。人皆知之。而此兩字者。獨

言不果也  
混爲一句乎。雖所輯有可句者。有可讀者。亦竟有不必分  
者。而吾不憚穿鑿。爲畫鴻溝之界。將使鹵莽者趨於精詳。  
不慮精詳者墮於滯泥也。亦國奢示儉之意夫。